

KJKP "RAD" d.o.o. Sarajevo, Paromlinska 57 (u daljem tekstu: "Osiguranik"), koga zastupa v.d. direktor Selim Babić, dipl.ing.građ.

Broj rješenja: UF/I-889/01
Identifikacioni broj: 200316890001
Transakcijski račun broj: 338-900-22080776-49
UniCredit banka d.d. Sarajevo

i

"SARAJEVO OSIGURANJE" d.d. Sarajevo, Maršala Tita 29 (u daljem tekstu: "Osiguravatelj"), koga zastupa direktor Arif Kulić, dipl. pravnik

Broj rješenja: 065-02-0013-11
Identifikacioni PDV broj: 200326930001
Transakcijski račun broj: 199-049-0106232022
Sparkasse bank d.d.

zaključili su

U G O V O R

O VRŠENJU USLUGA KOLEKTIVNOG KOMBINOVANOG OSIGURANJA ZAPOSLENIH RADNIKA KJKP "RAD" d.o.o. OD POSLJEDICA NESRETNOG SLUČAJA - NEZGODE – LOT 1

PREDMET UGOVORA

Član 1.

Predmet ovog Ugovora je vršenje usluga kolektivnog kombinovanog osiguranja zaposlenih radnika KJKP "RAD" d.o.o. od posljedica nesretnog slučaja - nezgode, prema Pregledu visine naknada za mjesečnu premiju po jednom zaposleniku i ponudi broj 01-853/17 od 13.03.2017. godine i Okvirnom sporazumu broj 05-03-04-6838/17 od 28.04.2017. godine zaključenog po Obavještenju o nabavci broj 83-1-2-87-3-22/17 od 09.03.2017. godine.

Član 2.

Ugovoreni oblici osiguranja odnose se na slijedeće:

- Naknada za slučaj smrti usljed bolesti;
- Smrt usljed nezgode;
- Trajni gubitak opšte radne sposobnosti (invaliditeta);
- Dnevna naknada;
- Narušenje zdravlja koje zahtjeva ljekarsku pomoć (troškovi liječenja);

Ugovoreni oblici osiguranja precizno su definisani Opštim uvjetima za osiguranje osoba od posljedica nesretnog slučaja koji čine sastavni dio tenderske dokumentacije i navedene ponude.

CIJENA

Član 3.

Ovim ugovorom Osiguranik se obavezuje da udruži određena novačana sredstva (premiju) u iznosu od 3 KM mjesečno za svakog uposlenog radnika (prosječan broj uposlenih je 1200) kod Osiguravatelja, a Osiguravatelj se obavezuje, da ako se desi osigurani slučaj, isplati osiguraniku (zaposleniku KJKP "RAD" d.o.o. Sarajevo) osiguranu sumu odnosno njen dio.

Ukupna vrijednost ugovora za 2019./2020. godinu iznosi 43.200,00 KM bez uračunatog PDV-a

Član 4.

Ugovorne strane su saglasne sa cijenom iz ponude i police osiguranja koja čini sastavni dio ovog Ugovora.

GARANCIJA

Član 5.

Osiguravatelj je obavezan dostaviti garnaciju za dobro izvršenje posla u vrijednosti od 10% od vrijednosti ugovora. Rok za dostavljanje garancije je deset (10) dana od dana potpisivanja Ugovora.

NAČIN PLAĆANJA

Član 6.

Plaćanje premije će se vršiti na slijedeći način:

- fakturisanje premije kvartalno (u 12 rata) a plaćanje odgođeno za 60 dana.

OBAVEZE OSIGURANIKA

Član 7.

Kada nastane osigurani slučaj na osnovu kojeg se traži naknada iz osiguranja, Osiguranik odnosno korisnik osiguranja je dužan da postupe na slijedeći način:

- da se odmah javi ljekaru odnosno pozove ljekara radi pregleda i pružanja potrebne pomoći i da odmah preduzme sve mjere radi liječenja kao i da se pridržava ljekarskih savjeta i uputa u pogledu načina liječenja;
- da o nesretnom slučaju pismeno obavjesti Osiguravatelja u roku kad mu to prema njegovom zdravstvenom stanju bude moguće;
- da sa prijavom o nesretnom slučaju pruži osiguravatelju sva potrebna obavještenja i podatke o mjestu i vremenu kada je slučaj nastao, popuni opis događaja, ime ljekara koji ga je pregledao ili koji ga liječi, nalaze ljekara o vrsti tjelesne povrede o nastalim eventualnim posljedicama kao i podatke o tjelesnim manama, nedostacima i bolestima koje je osiguranik imao još prije nesretnog slučaja.

Ako je nesretni slučaj imao za posljedicu smrt osiguranika o tome će se pismeno obavjestiti Osiguravatelj i pribaviti potrebna dokumentacija.

Troškovi za ljekarski pregled i izvještaj (početni i zaključni izvještaj ljekara, ponovni ljekarski pregled i nalaz specijaliste) i ostali troškovi koji se odnose na dokazivanje nesretnog slučaja i prava iz ugovora o osiguranju padaju na teret podnosioca zahtjeva.

Osiguravatelj ima pravo da od osiguranika odnosno korisnika osiguranja ili bilo koje druge pravne ili fizičke osobe traži naknadna obavještenja kao i da na svoj trošak preduzme mjere u svrhu ljekarskog pregleda osiguranika preko svojih ljekara, ljekarskih komisija i zdravstvenih organizacija da bi se utvrdile važne okolnosti u vezi sa prijavljenim nesretnim slučajem.

OBAVEZE OSIGURAVATELJA

Član 8.

Osiguravatelj je obavezan isplatiti naknadu iz osiguranja po Opštim uvjetima za osiguranje osoba od posljedica nesretnog slučaja po kojima je zaključen ugovor o osiguranju.

Član 9.

U slučaju da se Osiguravatelj i osiguranik odnosno korisnik osiguranja ne slože u pogledu vrste i obima posljedica nesretnog slučaja ili u pogledu toga da li je i u kom obimu povreda osiguranika u uzročnoj vezi sa nesretnim slučajem, osiguranik odnosno korisnik osiguranja može uložiti prigovor nadležnom sektoru u Direkciji Osiguravatelja.

Član 10.

Uslovi osiguranja po kojima se ispostavljaju police osiguranja bit će sastavni dio tih polica.

IZMJENE I DOPUNE

Član 11.

Izmjene i dopune ovog ugovora mogu se vršiti samo pismenim putem. Naknadni aneksi i protokoli mogu mjenjati ili dopunjavati ovaj ugovor pod uslovom da su ga potpisali ovlašteni predstavnici ugovorenih strana.

SPOROVI

Član 12.

Eventualne sporove koji bi mogli nastati iz ovog ugovora, Ugovorene strane će pokušati da riješe sporazumno.

Ukoliko ugovorene strane ne postignu sporazumno rješenje, za nastale sporove nadležan je sud u Sarajevu.

RASKID UGOVORA

Član 13.

Svaka od ugovornih strana može tražiti raskid ovog Ugovora. Zahtjev za raskid ovog Ugovora podnosi se u pisanoj formi najkasnije tri mjeseca prije isteka tekuće godine osiguranja.

U slučaju raskida ugovora, ugovorne strane će izmiriti sve svoje obaveze nastale do dana raskida Ugovora, a prema važećim uslovima iz ugovora.

OSTALE ODREBE

Član 14.

Za sve što nije regulisano ovim ugovorom primjenjuju se odredbe Zakona o obligacionim odnosima FBiH.

Član 15.

Sastavni dio ovog Ugovora je Ponuda ponuđača broj 01-853/17 od 13.03.2017. godine i Opšti uvjeti za osiguranje osoba od posljedica nesretnog slučaja.

Član 16.

Ugovor stupa na snagu danom potpisivanja i traje do 30.04.2020. godine ili do datuma izvršenja obaveza koje su predmet ovog Ugovora.

Član 17.

Ugovor je sačinjen u 6 (šest) istovjetnih primjeraka i to 2 (dva) za Osiguravatelja, 4 (četiri) za Osiguranika.

ZA "SARAJEVO OSIGURANJE"

Direktor

Arif Kulić, dipl. pravnik

ZA KJKP "RAD"

v.d. Direktor

Selim Babić, dipl.ing.građ.

SUPOTPISNIK UGOVORA

**Izvršni direktor sektora
ekonomsko – pravnih poslova**

Hasan Karačić, dipl. pravnik

**Broj 05-03-04- /19
Dana 29.04.2019. godine**